

湖北通志



湖北通志



武備志五

湖北通志卷六十七

兵事一

此卷自周迄五代

楚熊渠伐庸

周夷王時王室微諸侯或不朝相伐熊渠甚得江漢間民和乃興

兵伐庸案庸在今竹山楊粵至於鄂熊渠曰我蠻夷也不與中國之號謚

乃立其長子康爲句亶王中子紅爲鄂王少子執疵爲越章王皆

在江上楚蠻之地史記楚世家互見藩封

楚伐隨

桓王十四年乙亥楚武王十五年楚武王侵隨使遺章求成焉軍於瑕

以待之左傳桓十六年丁丑夏楚子合諸侯於沈鹿

黃隨不會使遺章讓黃楚子伐隨戰於速杞案速杞在今應山隨師敗績

志六十七

隨侯逸關丹獲其戎車與其戎右少師秋及楚平左傳桓莊王

七年辛卯楚武王十五年春三月楚武王伐隨卒於櫛木之下令尹闢

祁莫敖屈重除道梁送營軍臨隨隨人懼行成莫敖以王命入盟

隨侯而還左傳莊襄王十二年辛巳楚成王三隨以漢東諸侯

叛楚冬楚闢穀於苑師師伐隨取成而還左傳僖二十年案隨

地固山爲郡巖石險阻道絕交鋒襄陽至厲山店九十九岡皆知

謀之士多諷漢東險阻如兵家詭伏奇計又言有括蕩之勢易人

而難自是以後遂與楚私屬不與諸侯會同定公四年昭王奔隨

隨人免之楚人德之使列諸侯其後不知爲誰所滅春秋正義

楚闢廉圍鄢敗鄢

桓王十七年戊寅楚武王十八年巴子使韓服告於楚請與鄢爲好案鄢在今襄陽東

北二十里案鄢在今襄陽東楚子使道朔將巴客以聘於鄢鄢南鄙鄢人案鄢在今襄陽

北二十里案鄢在今襄陽東攻而奪之幣殺道朔及巴行人楚子使遺章讓於鄢鄢人

弗受夏楚使闢廉帥師及巴師圍鄢鄢養甥肝甥帥師救鄢三逐

巴師不克闢廉衡陳其師於巴師之中以戰而北鄢人逐之背巴

師而夾攻之鄢師大敗鄢人背潰左傳桓九年僖王四年癸卯楚文王

年楚子伐鄢十六年楚復伐鄢滅之左傳莊十六年

闢廉敗鄢師

桓王十九年庚辰楚武王四十年楚屈瑕將盟貳軫案貳軫在今應城鄢人

軍於蒲騷案蒲騷在今應城將與隨絞州蓼伐楚師莫敖患之闢廉

曰鄢人軍其郊必不誠且日虞四邑之至也君次於郊鄢以禦四

邑我以銳師宵加於鄢鄢有虞心而恃其城莫有闕志若敗鄢師

四邑必離莫敖曰盍請濟師於王對曰師克在和不任眾商周之

不敵君之所聞也成軍以出又何濟焉莫敖曰卜之對曰卜以決

疑不疑何卜遂敗鄢師於蒲騷卒盟而還左傳桓十一年

志六十七

楚屈瑕伐絞

桓王二十年辛巳楚武王四十年楚伐絞案絞在今應城軍其南門莫敖

屈瑕曰絞小而輕輕則寡謀請無扞探樵者以誘之從之絞人獲

三十人明日絞人爭出驅楚役徒於山中楚人坐其北門而覆諸

山下大敗之爲城下之盟而還左傳桓十二年

屈瑕伐羅

桓王二十一年壬午楚武王四十二年春楚屈瑕伐羅案羅在今宜城關伯比

送之還謂其御曰莫敖必敗舉趾高心不固矣莫敖使徇於師曰

諫者有刑及鄢案鄢在今宜城亂次以濟遂無次且不設備及羅羅與

盧戎兩軍之案盧戎在今南漳東北大敗之莫敖縊於荒谷左傳桓十三年

巴人取楚那處

惠王元年乙巳楚文王十四年初楚武王克權案權在今應城使闢縵尹

之以叛圍而殺之遷權於那處案那處楚地今荆門東南有那口城使閻敖尹之

及文王即位與巴人伐申而驚其師案巴人今四巴人叛楚而伐

那處取之遂門於楚閻敖游浦而逸案浦水在湖北楚子殺之其族

為亂冬巴人因之以伐楚左傳莊十八年二年春楚子禦之大敗於津案津

江陵在今江陵還鬻拳弗納遂伐黃左傳莊十九年

楚關穀於菟滅弦

惠王二十二年丙寅楚成王十七年楚關穀於菟滅弦案弦在今黃岡縣東北有東弦鄉

弦子奔黃於是江黃道柏方睦於齊皆弦嬖也弦子恃之而不事

楚又不設備故亡左傳僖五年

齊曹伐厲

襄王七年丙子秋七月齊師曹師伐厲左傳僖十五年

秦晉伐邾

襄王十七年丙戌楚成王十七年秦晉伐邾案邾在今山東

申息之師成商密杜注商密之別邑秦人過析隈入而徐與人以圍商密

晉而傳焉宵坎血加書偽與子儀子邊盟者商密人懼曰秦取析

矣成人反矣乃降秦師因申公子儀息公子邊以歸楚令尹子玉

追秦師弗及左傳僖二十三年初郢叛楚即秦又貳於

楚夏秦人入郢左傳文五年

楚滅夔

襄王十八年丁亥楚成王十八年夔子不祀祝融與鬻熊秋楚成得臣

關宜申帥師滅夔案夔子城在歸州東以夔子歸左傳僖二十六年

楚成大心伐麇

頃王二年甲辰楚穆王九年厥貉之會麇子逃歸左傳文十三年春楚穆

楚滅庸案庸今鄖縣地防涪即今房縣界

匡王二年庚戌楚莊王三年楚大饑戎伐其西南至於阜山師於大林

又伐其東南至於陽邱以侵營枝庸人帥羣蠻以叛楚麇人率百

濮聚於選案選在今漢之南將伐楚楚人謀徙於阪高蔣賈曰不可我能

往寇亦能往不如伐庸夫麇與百濮謂我饑不能師故伐我也若

我出師必懼而歸乃出師旬有五日百濮乃罷使廬戢黎侵庸庸

人逐之囚子楊窻三宿而逸曰庸師眾羣蠻聚焉不如復大師且

起王卒合而後進師叔曰不可姑又與之遇以驕之又與之遇七

遇皆北庸人曰楚不足與戰矣遂不設備楚子乘駒會師於臨品

分為二隊子越自石溪子貝自仞案臨品石溪仞當在今均州界以伐庸秦人巴

人從楚師遂滅庸左傳文十六年

楚滅若敖氏

定王二年丙辰楚莊王九年闢般為令尹子越為司馬焉賈為工正諸

子揚而殺之子越為令尹已為司馬子越又惡之乃以若敖氏之

族圖伯麇於轅陽而殺之遂處雒野將攻楚子師於漳澧秋七月

戊戌楚子與若敖氏戰於皋澨伯麇射楚子師退楚子鼓而進之

遂滅若敖氏左傳宣四年

楚靈王滅賴

景王七年癸亥楚靈王三年秋七月楚子以諸侯伐吳遂以諸侯滅賴

案賴即賴也賴子面縛銜壁土袒輿觀從之造於中軍王問諸椒

舉對曰成王克許許儼公如是王親釋其縛受其璧焚其櫬王從

之遷賴於鄢左傳昭四年

楚靈王伐吳

景王八年甲子楚靈王四年冬十月楚子以諸侯及東夷伐吳還射以

師會於夏汭案夏汭即今夏口越大夫常壽過師師會楚子於瑣聞吳師

出啓疆帥師從之遽不設備吳人敗諸鶴岸楚子以驛至於羅汭

吳子使其弟蹇由犒師楚師濟於羅汭沈尹赤會楚子次於萊山

還射先入南懷楚師從之及汝清吳不可入而還左傳謂五年

楚公子比弑靈王

景王十六年壬申楚靈王十二年楚公子比公子黑肱公子棄疾蔓成然

蔡朝吳師陳蔡不羹許葉之師因四族之徒以入楚殺太子祿及

公子罷敵公子比爲王公子黑肱爲令尹次於魚陂案故竟陵縣城北有甘陂

公子棄疾爲司馬使觀從師於乾谿而遂告之且曰先歸復

所後者劍師及普梁而潰王沿夏將欲入鄢辛尹無字之子申亥

求得之以歸夏五月癸亥王縊於辛尹申亥氏左傳昭十三年冬通鑑報覽

志六十七

武備五 兵事

五

楚伐濮

景王二十二年戊寅楚平王六年楚子以舟師伐濮左傳昭十九年

吳圍潛

敬王五年丙戌楚昭王元年吳子欲因楚喪而伐之使公子掩餘公子

燭庸帥師圍潛楚莠尹然工尹廩帥師救潛左司馬沈尹戌帥都

君子與王馬之屬以濟師與吳師遇於窮令尹子常以舟師及沙

汭而還左傳昭二十七年吳縣四十五里地名曰沙汭

吳入郢

敬王九年庚寅楚昭王五年秋吳師圍弦左司馬戌右司馬稽帥師救

弦及豫章案豫章即今陸章山吳師還始用子胥之謀也左傳昭三十四年

年乙未楚昭王十年冬蔡侯吳子唐侯伐楚舍舟於淮汭自豫章與楚

夾漢左司馬戌謂子常曰子沿漢而與之上下我悉方城外以毀

其舟還塞大隧直轅冥阨案大隧即今九里關在孝感東北與應山交界處直轅即今武勝關在應山東北

北三十里冥阨今名平靖關在應山北六十里信陽州界子濟漢而伐之我自後擊之必大敗

之乃濟漢而陳自小別至於大別案大別山在漢陽府城東北

三戰子常知不可欲奔史皇曰安求其事難而逃之將何所入子

必死之初罪必盡說十一月庚午二師陳於柏舉案柏舉在今麻城龜峰山

廬之弟大槩王以其周五千先擊子常之卒子常之卒奔楚師亂

吳師大敗之子常奔鄭吳從楚師及清發五戰及郢楚子取其妹

季芊以出吳人郢左司馬戌及息而還敗吳師於雍澨謂其臣

曰誰能免吾首吳句卑曰臣賤可乎司馬曰我實失子可哉三戰

皆傷曰吾不可用也已句卑布裘到而裹之藏其身而以其首兜

楚子涉睢濟江入於雲中案雲中今雲南雲雲本二澤江北爲雲江南爲雲

之公安石首地界江之開皆雲澤也案雲澤今湖北雲澤之北則

澨者今之虎渡河也今之荆江古之澨江也雲在虎渡江之北則

志六十七

武備五 兵事

六

江之南楚子涉澨離水在郢西龍州之北荆江在龍州之南由龍

人雲蓋濟荆江而南非濟大江而南杜注謂入雲夢澤中所謂江

南之楚楚都郢州乃不知荆江之爲沱沔澨雲夢澤而爲一又

疑楚江爲南流而不知其爲東流也故云江南也胡氏禹貢鑑指

荆江之南仍在大江之北也送奔隨吳人從之索昭王隨不聽吳

亦罷去初伍員與申包胥友其亡也謂申包胥曰我必復楚國申

包胥曰子能復之我必能與之及昭王在隨申包胥入秦乞師秦

伯使辭焉包胥立依於庭牆而哭日夜不絕聲勺飲不入口七日

秦哀公爲之賦無衣九頓首而坐秦師乃出左傳定四年十五

年丙申楚昭王十一年申包胥以秦師至秦子蒲子虎帥車五百乘以救

楚使楚人先與吳人戰而自稷會之吳師大敗而歸左傳定五年

楚遷都 敬王十六年丁酉楚昭王十二年四月己丑吳太子終累敗楚舟師獲潘

揚合尹子西喜曰乃今可為矣於是乎遷郢於都而改紀其政以定楚國左傳定六年

巴師圍鄢

敬王四十四年甲子楚惠王十四年巴人伐楚圍鄢三月楚公孫甯吳由子遠固敗巴師於鄢左傳哀十八年

蜀取茲方

安王二十五年甲辰楚肅王四年蜀伐楚取茲方案今荆州松滋縣古為鳩茲地即楚茲方

於是楚為扞關以拒之史記楚世家

秦攻楚

魏王三十五年辛巳楚頃襄王十九年秦伐楚楚軍敗割上庸漢北地予秦正義云割房金均共三十七年頃襄王二十一年秦將白起拔西陵

三十七年頃襄王二十一年白起遂拔郢燒楚先王墓夷陵頃襄王兵散

志六十七

武備五 兵事

七

遂不復戰東北保於陳城 三十九年頃襄王二十三年頃襄王乃收東

地兵得十餘萬西取秦所拔江旁十五邑以為郡史記楚世家

漢盧綰陸賈虜臨江王

漢高帝五年冬項羽所立臨江王共敖前死子尉嗣立為王不降

遣盧綰陸賈擊虜尉漢書高帝紀

光武起兵

新莽天鳳四年新市人王匡王鳳有眾數百人於是諸亡命馬武

王常成丹等往從之共攻離鄉聚藏於綠林中數月間至七八千

案新市故城在今京山縣東北

人北綠林山在今當陽東北荆州牧某發奔命二萬人攻之匡

等相率迎擊於雲杜大破牧軍殺數千人盡獲輜重遂攻拔竟陵

轉擊雲杜安陸多掠婦女歸入綠林中至有五萬餘口州郡不能制劉玄傳地皇三年莽遣嚴尤陳茂擊荆州綠林賊遭疫疾死者

且半乃各分散王常成丹西入南郡號下江兵王匡王鳳馬武及其支黨朱鮪張卬等北入南陽號新市兵皆自稱將軍通鑑秋七月

匡等進攻隨未能下平林人陳牧廖湛復聚千餘人號平林兵以應之案平林在今應山南陽鹿鹿光武因賣穀於宛宛人李通等

以圖讖說光武云劉氏復起李氏為輔光武乃市兵弩與通從弟

軼等還春陵時伯升已會眾起兵於是招新市平林兵與其帥陳

牧王鳳西擊長聚後漢書光武紀俱敗於小長安各欲解去伯升問下江

軍在宜秋即與光武及李通俱造其壁見王常說以合從之利常

悟為餘將言之皆曰大丈夫既起當各自為主何故受人制乎常

曉之曰王莽苛酷失百姓心民之謳吟思漢非一日也故使吾屬

因此得起夫民所怨者天所去也民所思者天所與也舉大事必

當下順民心上天意功乃可成今南陽諸劉舉宗起兵觀其來

志六十七

武備五 兵事

八

議事者皆有深計大慮王公之才與之并合必成大功此所以祐

吾屬也下江諸將雖偏強少識然素敬常乃皆謝曰無王將軍吾

屬幾陷於不義即引兵與漢軍及新市平林合後漢書王常傳莽

將軍嚴尤陳茂破下江兵漢書王莽傳王常與丹叩收散卒入葉谿刻

掠鍾龍開眾復振引軍與荆州牧戰於上唐大破之後漢書王常傳

山在今應山縣東北又隨州境東北有三年正月破王莽前隊

大失甄阜屬正梁王賜斬之諸將遂共議立更始為天子後漢書劉玄傳

參通鑑輯覽

秦豐田戎之亂

更始元年秦豐據黎丘自稱楚黎王略十有一縣後漢書豐南郡

邱縣人少學長安受律令歸為縣吏是年起兵攻得邱宜城若編

臨沮中廬襄陽蔡陽等縣兵合萬人東觀漢記若即並汪宜城

地城在今南漳縣東五十里禁陽在今襄陽縣西南又中廬故

起夷陵後漢書光武紀田戎西平人與同郡人陳義客夷陵為羣盜至是

義戎將兵陷夷陵義自稱黎印大將軍戎自稱掃地大將軍東觀漢記

戎號周成王義號臨江王襄陽志光武帝建武三年七月征南

大將軍岑彭率三將軍伐秦豐後漢書光武紀豐與其大將蔡宏拒彭等

於鄧彭乃潛兵度沔水擊其將張揚於阿頭山今襄陽縣大破

之從川谷伐木開道直襲黎邱擊諸屯兵豐聞大驚馳歸救之彭

逆擊之豐敗走追斬宏豐相趙京舉宜城降時田戎擁眾夷陵聞

秦豐被圍懼大兵方至欲降而妻兄王臣諫戎曰今四方豪傑各

據郡國洛陽地如掌耳不如按甲以觀其變戎曰以秦王之彊猶

為征南所圍況吾耶降計決矣四年春戎乃留王臣守夷陵自將

兵沿江沂沔止黎邱刻期日當降而辛臣於後盜戎珍寶從間道

先降於彭而以書招戎戎疑其賣已遂不敢降而反與秦豐合彭

出兵攻戎數月大破之其大將伍公詣彭降戎亡歸夷陵帝幸黎

邱勞軍封彭吏士有功者百餘人後漢書彭傳二月鄧禹率二將軍與

延岑戰於武當破之後漢書延岑與秦豐合二年擄漢中後漢書遣輔

漢將軍于匡擊破岑於鄧追至武當復破之岑奔漢中後漢書

冬十一月遣建義大將軍朱祐率破姦將軍侯進輔威將軍耿植

圍秦豐黎印破其將張康於蔡陽斬之後漢書五年春三月遣

征南大將軍岑彭率二將軍伐田戎於津鄉大破之後漢書彭拔

夷陵追至秭歸戎與數十騎亡入蜀盡獲其妻子士眾數萬人彭

將伐蜀而夾川穀少水險難漕運留威虜將軍馮異軍江州都尉

田鴻軍夷陵領軍李元軍夷道而自還屯津鄉當荊州要會後漢書彭傳

獲秦豐後漢書光武紀六年春三月公孫述遣任滿寇南郡後漢書初

田戎為漢兵所敗亡入蜀述封為翼江王與任滿出江關下臨沮

夷陵間招其故眾因欲取荊州諸郡後漢書公孫述又遣任

滿田戎程汎將數萬人乘枋單下江關後漢書注枋單以竹木

水中縛筏也枋即勑字古通用擊破馮駿及田鴻李元等遂拔夷道夷陵據荊門

虎牙橫江水起浮橋闔樓立橫柱絕水道結營山上以拒漢兵彭

數攻之不利十一年春彭與吳漢及誅虜將軍劉隆輔威將軍

臧宮驍騎將軍劉歆共發南陽武陵南郡兵又發桂陽零陵長沙

委輸棹卒凡六萬餘人騎五千匹皆會荊門今當陽縣吳漢以三

郡棹卒多費糧穀欲罷之彭以蜀兵威不可道上書言狀帝報彭

曰大司馬習用步騎不曉水戰荊門之事一由征南公為重而已

彭乃令軍中募攻浮橋先登者上賞於是偏將軍魯奇應募而前

時天風狂急彭奇船逆流而上直衝浮橋而橫柱鉤不得去後漢書

反鉤鉤奇船不得去奇等乘勢殊死戰因飛炬焚之風怒火盛

橋樓崩燒彭復悉軍順風進所向無前蜀兵大亂溺死者數千

人斬任滿生獲程汎而田戎亡保江州後漢書彭傳

江夏盜

順帝永和二年秋八月江夏盜殺鄉長後漢書順帝紀

巫蠻

和帝永元十三年巫蠻許聖等以郡收費不均遂屯聚反叛後漢書

十四年夏遣使者督荊州諸郡兵萬餘人討之大破聖等聖等

乞降復徙置江夏後漢書注音宋之荊州蠻分居

年江夏蠻叛州郡討平之光和三年江夏蠻復反寇患累年廬江

武陵蠻

順帝永和二年春蠻共二萬人圍充城八千人寇夷追遣武陵太守李進討破之後漢書 桓帝延熹三年冬十二月武陵蠻寇江陵車騎將軍馮緄討之皆降散五年冬十月武陵蠻復寇江陵南郡太守李肅坐奔北棄市以太常馮緄為車騎將軍討之後漢書

江夏兵反

靈帝中平三年春二月江夏兵趙慈反殺南陽太守秦頡夏六月荆州刺史王敏討趙慈斬之後漢書

孫堅殺王郤

獻帝初平元年長沙太守孫堅殺荆州刺史王郤後漢書 郤字通

暉晉太保祥伯父也三國吳志注 郤常輕堅又郤舉兵欲討董卓素與武陵太守曹寅不睦揚言當先殺寅寅懼詐作按行使者溫

志六十七

武備五 兵事

十一

殺檄移堅說郤罪過令收行刑訖以狀上堅即承檄勒兵襲郤聞兵至登樓望之遣問欲何為堅前部答曰兵久戰勞苦諸使君更乞責直耳郤見堅驚問曰兵自求賞孫府君何以枉在其中堅曰

被使者檄誅君郤曰我何罪堅曰坐無所知郤窮迫刮金飲之而死三國吳志注

劉表據荆州

初平元年詔以劉表為荆州刺史後漢書 劉表傳時江南宗賊大盛又袁術阻兵屯魯陽表不能至乃單騎入宜城帝三年改名宜城 南郡人蒯越襄陽人蔡瑁與共謀畫表謂越曰宗賊雖盛而郤不

附若袁術因之禍必至矣吾欲徵兵恐不能集其策馬出對曰理平者先仁義理亂者先權謀兵不枉多貴乎得人袁術驕而無謀

宗賊率多貪暴越有所素養者使人示之以利必持眾來使君誅

其無道施其才用威德既行疆負而至矣兵集眾附南郡江陵北守襄陽荆州八郡可傳檄而定公路雖至無能為也表曰善乃使

越遣人誘宗賊帥至者十五人皆斬之而襲取其眾唯江夏賊張虎陳坐擁兵據襄陽城表使越與龐季往譬之乃降江南遂平及

李惟等入長安冬表遣使奉貢惟以表為鎮南將軍荆州牧封成武侯假節以為己援後曹操與袁紹相持於官渡紹遣人求助表

許之不至亦不援曹操從事中郎南陽韓嵩別獨劉先說表曰今豪傑並爭兩雄相持天下之重在於將軍若欲有為起乘其敝可

也如其不然固將擇所宜從豈可擁甲十萬坐觀成敗求援而不能助見賢而不肯歸此兩怨必集於將軍恐不得中立矣曹操善

用兵且賢俊多歸之其勢必舉袁紹然後移兵以向江漢恐將軍不能禦也今之勝計莫若舉荆州以附操操必重德將軍長享福

志六十七

武備五 兵事

十一

祚垂之後嗣此萬全之策也蒯越亦勸之表終狐疑不斷乃遣嵩詣操觀望虛實 建安十三年曹操自將征表未至八月表疽發背卒二子琦琮表素愛琮而惡琦遂以琮為嗣琮以侯印授琦琦

怒投之地將因奔喪作亂會操兵至新野琦走江南蒯越韓嵩及東曹掾傅異等說琮降琮曰今與諸君據全楚之地守先君之業

何為不可異曰將軍自料何如劉備琮曰不若也異曰誠以劉備不足禦曹公則雖全楚不能以自存也誠以劉備足禦曹公則備

不為將軍下也願將軍勿疑及曹軍到襄陽琮舉州請降劉備遂奔夏口曹後敗於赤壁劉備表琦為荆州刺史後漢書

孫權破黃祖

建安二年袁術使孫堅征荆州擊劉表表遣將黃祖逆於樊鄧之間堅擊破之追渡漢水遂圍襄陽單騎走峴山為祖軍所射殺三

吳志孫堅傳案後漢書及三國志並以四年孫權從策討黃祖堅卒於三年通鑑漢紀作二年今從之四年孫權從策討黃祖於沙羨吳志傳時劉表遣從子虎及南陽韓暭將長矛五千來為黃祖前鋒策與戰大破之通鑑案沙八年孫權西伐黃祖破其舟軍惟城未克十二年西征黃祖虜其人民而還吳志吳主傳十三年春權西擊祖祖橫兩蒙衝挾守沔口以大細繫矜千弩交射偏將軍董襲司馬凌統各將敢死士百人突入蒙衝以刀斷細蒙衝橫流兵遂進屠其城祖挺身走追斬之虜其男女數萬口通鑑赤壁之戰

建安十三年春孫權討江夏周瑜為前部大都督九月曹操入荆州劉琮舉眾降曹操得其水軍船步兵數十萬將士聞之皆恐懼權延見羣下問以計策議者曰曹公豺虎也然託名漢相挾天子以征四方動以朝廷為辭今日拒之事更不順且將軍大勢可以

志六十七

武備五 兵事

三

拒操者長江也今操得荊州奄有其地劉表治水軍蒙衝鬪艦乃以千數操悉俘以沿江兼有步兵水陸俱下此為長江之險已與我共之矣而勢力眾寡又不可論愚謂大計不如迎之瑜曰不然操雖託名漢相其實漢賊也將軍以神武雄才兼仗父兄之烈割據江東地方數千里兵精足用英雄樂業尚當橫行天下為漢家除殘去穢况操自送死而可迎之耶請為將軍籌之今北土既未平安加以馬超韓遂尙在關西為操後患且金鞍馬仗舟楫與吳越爭衡又今盛寒馬無藁草驅中國士眾遠涉江湖之間不習水土必生疾病此數者用兵之大患也而操者冒行之將軍禽操宜在今日瑜請得精兵三萬人進往夏口保為將軍破之權曰君言當擊甚與孤合此天以君授孤也時劉備為曹公所破欲南渡江與魯肅遇於當陽遂共圖計因進往夏口遺諸葛亮詣權權遂遣

瑜及程普等與備并力逆曹公過於赤壁時曹公軍眾已有疾病初一交戰公軍敗退引次江北瑜等在南岸瑜部將黃蓋曰今寇眾我寡難與持久然觀操軍方連船艦首尾相接可燒而走也乃取蒙衝鬪艦數十艘實以薪草膏油灌其中裹以帷幕上建牙旗先書報曹公欺以欲降又豫備走舸各繫大船後因引次俱前曹公軍吏士皆延頸觀望指言蓋降蓋放諸船同時發火時風甚猛悉延燒岸上營落頃之煙燄漲天人馬燒溺死者甚眾軍遂敗退還保南郡備與瑜等復共追曹公留曹仁等守江陵城還自北歸瑜與程普又進南郡與仁相對各隔大江兵未交鋒吳志周甘寧傳建計先徑取夷陵往即得其城因入守之時手下有數百兵並所新得僅滿千人曹仁乃令五六千人圍寧寧受攻累日敵設高樓雨射城中士眾皆懼惟寧談笑自若遣使報瑜瑜用呂蒙計帥諸

志六十七

武備五 兵事

四

將解圍吳志甘寧傳乃渡屯北岸克期大戰瑜親跨馬蹀陳會流矢中右脅瘡甚便還後仁聞瑜臥不起勒兵就陳瑜乃自輿案行軍營激揚吏士仁由是遂退權拜瑜偏將軍領南郡太守以下雋漢昌劉陽州陵為奉邑屯據江陵劉備以左將軍領荊州牧治公安吳志周程普傳程普領江夏太守治沙羨通鑑

蜀吳分荊州

建安十四年備別立營於油江口改名公安劉表吏士見從北軍多叛來投先主先主以瑜所給地少不足以安民後從權借荊州數郡三國志注魯肅勸權借之吳志魯肅傳二十年孫權以先主已得益州使使報欲得荊州蜀志先主傳備不承旨權使呂蒙率眾進取備聞自還公安遣羽爭三郡肅住益陽與羽相拒肅邀羽相見各駐兵馬百步上但諸將軍單刀俱會肅因責數羽曰國家區區本

以土地借卿家者卿家軍敗遠來無以為資故也今已得益州既無奉還之意但求三郡又不從命語未究竟坐有一人曰夫土地者惟德所枉耳何常之有肅厲聲呵之辭色甚切羽操刀起謂曰此目國家事是人何知目使之去備遂割湘水為界吳志魯分荆州江夏長沙桂陽東屬南郡零陵武陵西屬蜀志先

關羽取襄樊

建安二十四年先主為漢中王拜羽為前將軍假節鉞是歲羽率眾攻曹仁於樊蜀志關羽傳時孫權攻合肥時諸州兵戍淮南羽使南郡太守糜芳守江陵將軍傅士仁守公安羽自率眾攻曹仁於樊仁使左將軍于禁立義將軍龐德等屯樊北通志大霖雨漢水溢平地水數丈禁等七軍皆沒禁與諸將登高望水無所回避羽乘大船就攻禁等禁遂降惟龐德不屈節而死魏志于羽遣別將圍

志六十七

武備五 兵事

五

將軍呂常於襄陽荊州刺史胡修南鄉太守傅方皆降通志梁郗陸渾羣盜或遙受羽印號為之支黨羽威震華夏曹公議徙許都以避其銳司馬宣王將濟以為關羽得志孫權必不願也可使人勸權臨其後許割江南以封權則樊圍自解曹公從之先是權遣使為子索羽女羽罵辱其使不許婚權大怒案典略曰羽聞樊圍遣使又遣王濬先致命於羽羽怒其淹遲又自己得于禁等乃罵曰貉子敢爾如使樊城拔吾不能滅汝耶權聞之知其輕已乃手書以謝權許又南郡太守糜芳在江陵將軍傅士仁屯公安素皆嫌羽輕己羽之出兵芳仁供給軍資不悉相救羽言還當治之芳仁咸懷懼不安於是權陰誘芳仁芳仁使人迎權而曹公使徐晃救曹仁案蜀記曰羽與徐晃相愛遙共語但說生平不及軍事須臾晃下馬宣令曰得雲長頭賞千金羽驚怖曰大兄是何言晃曰此國之羽不能克引兵退還蜀志關羽傳

呂蒙取荊州

建安二十四年秋關羽得于禁等人馬數萬糧食乏絕擅取權湘關米通志權聞遂行先遣呂蒙在前蒙至尋陽盡伏其精兵艤船中使白衣搖櫓作商賈人服晝夜兼行至羽所置江邊屯候盡收縛之是故羽不聞知遂到南郡吳志呂蒙傳將軍士仁在公安拒守蒙令虞翻說之翻乃為書與仁仁得書流涕而降翻謂蒙曰此諷兵也當將仁行留兵備城遂將仁至南郡南郡太守糜芳堅守蒙以仁示之遂降呂蒙傳蒙入據城盡得羽及將士家屬皆撫慰約令人不得干人家有所求取蒙麾下士是汝南人取民家一笠以覆官鎧蒙猶以為犯軍令不可以鄉里故而廢法遂垂涕斬之於是軍中震慄道不拾遺蒙旦暮使親近存恤耆老問所不足疾病者給醫藥饑寒者賜衣糧羽府藏財寶皆封閉以待權至羽還枉道路數使人與蒙相問蒙輒厚遇其使周游城中家家致問或手書示

志六十七

武備五 兵事

六

信羽人還私相參訊咸知家門無恙見待過於平時故羽吏士無闕心會權尋至羽自知孤窮乃走麥城西至漳鄉眾皆委羽而降權使朱然潘璋斷其徑路即父子俱獲荊州遂定以蒙為南郡太守封屏陵侯吳志呂蒙傳

孟達降魏

建安二十四年孟達降於魏初劉璋遣扶風孟達副法正各將兵二千人使迎先主先主因合達并領兵眾留屯江陵蜀平後以達為宜都太守案宜都郡即今宜都縣是年命達由秭歸北攻房陵案房陵即今縣房陵太守劉禪為達兵所害達將進攻上庸案上庸故城在今竹山縣東南先主因恐達難獨任乃遣劉封自漢中乘沔水下統達軍與達會上庸上庸太守申耽舉眾降先主加耽征北將軍領上庸太守以耽弟儀為建信將軍領西城太守遷封為副將軍自關羽圍樊城

襄陽連呼封達合發兵自助封達辭以山郡初附未可動搖不承羽命會羽覆敗先主恨之又封與達忿爭不和封尋奪達鼓吹達

羅罪又忿志封遂中表辭先主率所領降魏蜀志劉封傳

陸遜取蜀諸郡

建安二十四年冬十一月備宜都太守樊友委郡走諸城長吏及

魯夷君長皆降遜請金銀銅印以假授初附遣將軍李異謝旌等

將三千人攻蜀將詹晏陳鳳異將水軍旌將步兵斷絕險要即破

晏等生降得鳳又攻房陵太守鄧輔南鄉太守郭睦大破之裨歸

大姓文布鄧凱等合夷兵數千人首尾西方遜復部旌討破之布

凱脫走蜀以為將遜令人誘之布帥眾還降前後斬獲招納凡數

萬計吳志陸遜傳

蜀先主兵敗稀歸

志六十七

武備五 兵事

七

章武元年先主忿孫權之襲關羽秋七月遂帥諸軍伐吳蜀志先主傳

權命遜為大都督假節督朱然潘璋等五萬人拒之諸軍皆欲迎

擊遜以為不可曰彼銳氣始盛乘高守險難可卒攻今且獎勵將

士以觀其變諸將皆以為怯二年遜上疏曰夷陵國之關限失之

則荊州可憂臣初嫌彼水陸並進今反舍船就步處處結營察其

布置必無他變諸將並曰攻當在初今諸要害皆已固守擊之必

無利遜曰彼更事多其軍始集思慮情專未可干也今住已久不

得我使兵疲意沮計不復生犄角此寇正耗今日乃先攻一營不

利遜曰吾已曉破之之術乃敕各持一把茅以火攻拔之遂率諸

軍同時俱攻破四十餘營帝升馬鞍山陳兵自繞遜促兵四面惑

之士崩瓦解死者萬數帝收散兵由步道還白帝舟械軍資略盡

帝大慚志曰吾乃為遜所折豈非天也吳志陸遜傳

潘璋拒夏侯尚

章武二年魏黃初三年魏徵任子於孫權權辭讓不受秋九月魏

命曹真夏侯尚張郃徐晃圍南郡權遣諸葛瑾潘璋楊榮救之吳志

吳主尚等分前部三萬人作浮橋渡百里洲上秦百里洲在今枝江璋曰魏

勢始盛江水又淺未可與戰便將所領到魏上流五十里伐葦數

百萬束縛作大筏欲順流放火燒敗浮橋作筏適事伺水長當下

尚便引退璋下備陸口吳志潘璋傳

朱然拒曹真

章武二年魏遣曹真夏侯尚張郃等攻江陵魏文帝自住宛為其

勢援連屯圍城權遣將軍孫盛督萬人備州上立圍陽為然外救

吳志朱然傳三年魏黃初四年正月魏曹真分軍據江陵中州吳志吳

郃渡兵攻盛盛不能拒即時卻退郃據州上圍守然中外斷絕權

志六十七

武備五 兵事

八

遣潘璋楊榮等解圍而圍不解城中兵多腫病真等起土山鑿地

道立樓櫓弓矢雨注將士皆失色然無恐意方厲兵伺隙攻破兩

屯魏攻圍然凡六十日未退江陵令姚秦領兵備城北門見外兵

盛城中人少穀食欲盡因與敵交通謀為內應垂發事覺然治戮

秦尚等不能克乃撤攻退還吳志朱然傳

賀齊襲斬春

章武三年後主建興元年魏黃初四年六月吳主權令將軍賀齊督糜芳

劉邵等襲斬春吳志吳主傳案斬春今斬初晉崇為戲口將

以眾叛如魏還為斬春太守圖襲安樂取其保質權以為恥忿因

軍初罷六月歲夏出其不意詔齊督糜芳鮮于丹等襲斬春遂生

庸宗吳志賀齊傳

孫權北征

建興四年魏黃初七年秋七月吳主權聞魏文帝崩以五萬眾自

圖文聘於石陽甚急聘堅守不動權任二十餘日乃解去聘追擊

破之魏志文聘傳案石陽在今黃陂縣西又魏略曰孫權嘗自

聘聞權將數萬眾卒時大雨城崩眾散在野未及補治

不得見又自臥舍中不起惟果疑之謂其部黨曰北方以此人爲

忠臣也故委之以此郡今我至而不動此必有密圖十四年魏

必當有外救遂不敢攻而去魏略此語與本傳反龍四年吳權北征使陸遜與諸葛瑾攻襄陽遜遣親人韓扁齎表

奉報還遇敵於沔中鈔遜得扁瑾聞之甚懼書與遜曰大駕已旋

賊得韓扁具知吾濶狹且水乾宜當急去遜未答方僮人種葑豆

與諸將奕棊射戲如常瑾曰伯言多智略其富有以自來見遜遜

曰賊知大駕已旋無所復感得專力於吾又已守要害之區兵將

意動且當自定以安之施設變術然後出耳今便示退賊當謂吾

怖仍來相感必敗之勢也乃密與瑾立計令瑾督舟船遜悉上兵

馬以至襄陽城敵素憚遜還赴城瑾便引船出遜徐整部伍張

拓聲勢步趨到船敵不敢干軍到白圍託言任獵潛遣將軍周峻

張梁等擊江夏新市安陸石陽石陽石陽石陽石陽石陽石陽石陽

城城門噎不得關敵乃自斫殺己民然後得闔斬首獲生凡千餘

人吳志陸遜傳

司馬懿斬孟達

建興五年魏太和元年冬十二月魏新城太守孟達反詔驃騎將軍司

馬懿討之魏志明帝紀魏氏春秋分孟達歸夷陵臨沮並房陵

爲新城郡以拜孟達爲新城太守水經注合房上庸西城並以

爲新城太守治房陵達既爲文帝所寵又與相階夏侯尚相友善

及文帝崩時階尚皆卒達心不自安魏興太守守儀與有隙密表

達與蜀潛通帝未之信也司馬懿參軍梁繼察之又勸其入朝達

驚懼遂引明帝紀注六年魏太和二年司馬懿攻破新城志懿潛

志六十七

武備五 兵事

九

軍進討倍道兼行八日到其城下吳蜀各遣其將向西城安橋木

闌塞以救達懿分諸將以拒之上庸城三面阻水達於城外爲木

柵以自固懿渡水破其柵直造城下八道攻之旬有六日達甥鄧

賢將李輔等開門出降斬達首俘獲萬餘人晉書宣帝紀

司馬懿敗朱然

延熙四年魏正始二年吳車騎將軍朱然圍樊大將軍諸葛瑾取

相中吳志吳主傳案襄陽記云相中在上黃界去襄陽一百五

廬宜城西山魏時夷王梅敷兄弟三人部曲萬餘家屯此分布中

有水陸良田河南之膏腴謂之相中魏司馬宣王曰相中民夷

十萬隔在水南樊城被攻歷月不解此危事也請自討之以南方

暑溼不宜持久使輕騎挑之然不敢動于是乃令軍休息洗沐簡

精銳募先登申號令示必攻之勢然聞之乃夜遁追至三洲口大

殺獲魏志注引

王昶王基圖吳

延熙十四年魏嘉平三年魏王昶奏孫權流放良臣嫡庶分爭可

乘釁而制吳蜀白帝夷陵之閒道黔巫秭歸房陵皆在江北房夷

與新城郡接可襲取也乃遣新城太守秦裴裴裴裴裴裴裴裴裴裴

刺史王基詣夷陵昶詣江陵兩岸引竹經爲橋渡水擊之賊奔南

岸擊七道並來攻於是昶使積弩同時俱發賊大將施續夜遁入

江陵追斬數百級昶引至平地與合戰克之斬其將鍾陵茂許晏

魏志王魏荆州刺史王基攻西陵吳志吳主傳案西

協於夷陵協閉門自守基示以攻形而實分兵取雄父邸閣收米

三十餘萬斛虜安北將軍譚正納降數千口於是移其降民置夷

陵縣基又表上昶徙江夏治之以偪夏口由是賊不敢輕越江魏

王基傳案此時江夏指今漢口夏

口指今武昌吳案夏口城在武昌也

志六十七

武備五 兵事

十

陸抗討步闢

晉武帝泰始八年吳鳳皇元年吳西陵督步闢據城以叛遣使降晉陸

抗聞闢叛亟遣將軍左奕吾彥討之敕西陵諸軍築嚴圍自赤谿至故市內以圍闢外以拒寇晝夜催切如敵已至眾甚苦之諸將諫曰今及三軍之銳亟攻闢比晉救至闢必可拔何事於圍以弊士民之力抗欲服眾聽令一攻果無利圍備始合晉車騎將軍羊祜率師向江陵諸將咸以抗不宜上抗曰江陵城固兵足無所憂患假令敵沒江陵必不能守所損者小如使西陵榮結則南山羣夷皆當擾動其患不可量也乃自率眾赴西陵初江陵平衍道路通利抗敕江陵督作大堰遏水漸漬平土以絕寇叛祜欲因所遇水浮船運糧揚聲將破堰以逼步軍抗聞使張咸亟破之祜至當陽聞堰敗乃改船以車進大費功力晉巴東監軍徐胤率水軍詣

志六十七

武備五 兵事

三

建平案建平晉時屬荊州郡今荊州刺史楊肇至西陵抗令張咸在四川夔州巫山縣治

固守其城公安督孫遵巡南岸禦祜水軍督留憲拒胤身率三軍恐圍對肇將軍朱喬營都督俞贊曰諸肇抗日贊軍中舊吏知吾虛實吾常慮夷兵素不簡練若敵攻圍必先此處即夜易夷兵皆以舊將充之明日肇果攻故夷兵處抗命擊之矢石雨下肇眾死者相屬肇計屈夜遁抗欲追之而慮圍畜力伺間兵不足分於是但鳴鼓戒眾若將追者肇眾恟懼悉解甲挺走抗使輕兵躡之肇大破敗祜等皆引兵還抗遂陷西陵誅闢夷三族及其大將吏自餘所請赦者數萬口修治城園東還樂鄉吳志陸抗傳參資治通鑑

杜預平吳

晉咸寧四年吳天紀二年以尚書杜預都督荊州諸軍事晉書武帝紀預既至鎮繕甲兵簡精銳襲吳西陵督張政大破之太康元年正月

預陳兵於江陵遣參軍樊顯尹林鄧圭襄陽太守周奇等率眾循江西上授以節度旬日之間累剋城邑皆如預策焉又使牙門周

旨等率奇兵八百泛舟夜渡以襲樂鄉案樂鄉在今荆門北九十里起火巴山吳都督孫歆懼曰北來諸軍乃飛渡江也旨等伏兵隨歆軍而入歆不覺直趨帳下虜歆而還預遂進逼江陵吳都督將伍延僞請降而列兵登陣預攻剋之於是沅湘以南至於交廣吳之州郡皆望風歸命晉書杜預傳參通鑑紀事本末二月王濬唐彬擊破丹陽監威紀此神吳人於江碩要害之處並以鐵鑊橫截之又作鐵錐長丈餘暗置江中以逆拒船潛作大筏數十方百餘步縛草為人被甲持仗令善水者以筏先行筏遇鐵錐雖即著筏去又作大炬長十餘丈大數十圍灌以麻油在船前遇鐵燭炬燒之須臾融液斷絕於是船無所礙庚申克西陵殺吳都督留憲等壬戌剋荆門

志六十七

武備五 兵事

三

夷道二城殺夷道監陸晏乙丑剋樂鄉獲水軍督陸景平西將軍施洪等來降晉書王濬傳參資治通鑑

義陽蠻

惠帝太安二年五月義陽蠻案義陽在今新野縣南張昌舉兵反晉書惠帝紀昌少為平氏縣吏案平氏在今武陟縣西武力過人每自占卜言應當富貴新

野王欲督荊州為政嚴急失蠻夷心昌聚眾數千人欲為亂於安陸縣石巖山屯聚去郡八十里諸流人及避役者多從之易姓名為李辰太守弓欽遣軍就討不勝昌遂攻郡欽兵敗乃將家南奔河日欽遣騎督斬滿討之滿復敗走昌遂據江夏得山都案山都在今襄陽縣西北縣吏邱沈更其姓名曰劉尼詐稱漢後奉以為主而自為相國詐作鳳凰玉璽之瑞建元神鳳郊祀服色依漢故事有不應募者族誅又流言江淮以南皆反互相扇動人情惶懼江河間所

枉起應之旬月歎至三萬皆以絳科頭攢之以毛江夏義陽土庶莫不從之新野王歆上言妖賊張昌劉尼妄稱神聖犬羊萬計絳頭毛面挑刀走戟其鋒不可當請臺敕諸軍三道救助於是豫州刺史劉喬諸軍據汝南以禦賊賊還其將馬武破武昌晉書張昌傳武昌太守劉根遇害惠帝紀昌自領其眾進攻襄陽害新野王歆當時荆江徐譚揚五州之境多為昌所據置牧守皆桀盜小人專以劫掠為務鎮南將軍劉弘遣司馬陶侃參軍蒯桓等討昌於竟陵劉喬又遣其將李揚向江夏侃等與昌苦戰累日大破之納降萬計昌乃竄於下儻山案下儻左今通城縣明年秋擒之傳首京師同黨並夷三族張昌傳參通鑑輯覽

王如寇襄陽

懷帝永嘉四年九月雍州人王如舉兵反於宛大掠漢西進逼襄

志六十七

武備五 兵事

五

陽征南將軍山簡使將趙同擊之不克晉書懷帝紀

石勒寇江夏

懷帝永嘉五年春正月石勒入江夏太守楊琨奔武昌晉書懷帝紀

李驥據樂鄉

永嘉五年巴蜀流民布在荆湘間數為土民所侵苦蜀人李驥聚眾據樂鄉反南平太守應詹與醴陵令杜弢共擊破之王澄使成都內史王機討驥驥請降澄傷許而襲殺之沈八千餘人於江流

民益怨忿通鑑

杜弢杜曾之亂

永嘉六年春正月故鎮南府牙門將胡亢聚眾寇荆土晉書懷帝紀亢

自號楚公假杜曾竟陵太守

牙門將曾為新野南蠻司馬故相張

愍帝建興元年王澄遣王機擊杜弢敗於巴陵弢遂縱兵肆

亂

暴僞降於山簡嗣郭察率眾討弢反為所敗遂侵武昌焚燒城邑晉書杜弢傳冬十月荊州刺史陶侃討杜弢黨杜曾於石城為曾所敗晉書愍帝紀時周顗為荊州刺史先鎮尋水城為杜弢所困侃使部將朱伺救之弢退保冷口侃曰弢必步向武昌乃自徑道還郡以待之弢果來攻侃使朱伺逆擊大破之遣參軍王貢告捷於王敦敦曰若無陶侯便失荊州矣即表侃為荊州刺史遣朱伺等討江夏賊殺之賊王冲自稱荊州刺史據江陵王貢還至竟陵矯侃命以杜曾為前鋒大都督進軍斬冲悉降其眾侃召曾不到貢又恐矯命獲罪遂與曾反擊侃督護鄭攀於沌陽案沌陽今湖北漢陽縣西南之敗朱伺於沌口冬十月侃兵大敗部將張奕貳於侃詭說曰賊至而動眾必不可侃惑之而不進無何賊至果為所敗賊鉤侃乘艦侃窘亟入小船朱伺力戰僅以身免張奕降賊侃坐免官敦表侃以

志六十七

武備五 兵事

五

白衣領職復率周訪等進擊杜弢大破之晉書陶侃傳殺士卒多

死乃請降加巴東監軍受命後諸將攻擊之不己弢憤怒使其將

王真王真即領精卒三千出武陵江誘五谿夷王真王真即領精卒三千出武陵江誘五谿夷

在今辰溪斷官運徑向武昌侃使鄭攀及伏波將軍陶延邀擊大

破之殺使王貢復挑戰侃遙謂曰汝為益州吏盜用庫錢父死不

奔喪理法奚容卿本佳人何為隨之天下寧有白頭賊乎貢遂降

而殺敗走道死杜弢傳陶侃傳元帝建武元年秋八月荊州

刺史第五猗為賊帥杜曾所推遂與同反晉書元帝紀曾為兄子娶猗

女遂分據沔漢時侃新破杜弢乘勝督進軍石城官軍多騎而

侃軍無馬曾密開門突侃陳出其後反擊其背侃師遂敗晉書杜

王敦使王虞代為荊州將吏馬俊鄭攀等上書請留侃敦不許虞

為俊等所襲奔於江安賊杜曾與俊攀北迎第五猗以拒虞晉書

傳 杜曾等引兵向江陵王敦令督護征虜將軍趙誘襄陽太守

朱軌等討曾而大敗於女觀湖誘軌並遇害晉書周 敦命湘州

刺史甘卓豫章太守周廣等助虞擊曾曾眾潰晉書王 太興二

年夏五月梁州刺史周訪及杜曾戰於武當禽第五猗晉書元 曾

徑造河日元帝命訪擊之訪進至沔陽曾等銳氣甚盛訪使將分

左右甄訪自領中軍曾畏訪先攻左右兩甄皆敗訪選精銳八百

人親鳴鼓將士皆騰躍奔赴曾遂大潰走因武當訪屯襄陽晉書

傳 其將馬儒等執曾詣訪降而朱軌息昌等皆乞曾以復冤於是

斬曾晉書杜 曾傳

黃秀帛成寇鄧

成帝咸和元年冬十月劉曜將黃秀帛成寇鄧晉書杜 今

軍魏該率眾奔襄陽晉書成 北

志六十七

武備五 兵事

五

郭敬寇襄陽

咸和五年秋九月趙荊州監軍郭敬寇襄陽南中郎將周撫監河

北軍事屯襄陽趙主勒以驛書赦敬退屯樊城使之偃藏旂幟寂

若無人曰彼若使人觀察則告之曰汝宜自愛堅守後七八日大

騎將至相策不復得走矣敬使人浴馬於津周而復始晝夜不絕

偵者還以告周撫撫以爲趙兵大至懼奔武昌敬入襄陽中州流

民悉降於趙敬毀襄陽城遷其民於河北城樊城以成之趙以敬

爲荊州刺史周撫坐免官通鑑 七年秋七月太尉陶侃遣子斌與

南中郎將桓宣攻石勒將郭敬破之克樊城竟陵太守李陽拔新

野襄陽因而成之晉書成 帝紀

石遇寇中廬

咸康元年四月石季龍將石遇寇中廬南中郎將王國退保襄陽

帝紀

張貉陷郿城

咸康五年秋九月石季龍將義安李農陷河南張貉陷郿城因寇

江夏征虜將軍毛寶西陽太守樊俊義陽太守鄭進並死之晉書

紀 初議者以武昌北岸有郿城秦郿城在今郿城南宜分兵鎮之侃每不

答而言者不已侃乃渡水獵引將佐語之曰我所以設隘而禦寇

正以長江耳郿城隔江江北內無所倚外接秦夷夷中利深晉人

貪利夷不堪命必引寇虜迺致禍之由非禦寇也且吳時此城乃

三萬兵守今縱有兵守之亦無益於江南若羯虜有可乘之會又

此非所寶也晉書陶 侃傳 及庾亮鎮武昌卒使毛寶樊峻戍郿城趙王

虎惡之以襲安等攻郿城毛寶求救於庾亮亮以城固不時遣兵

九月城陷通鑑 寶峻等率左右突圍出赴江死者六千人寶亦溺死

志六十七

武備五 兵事

五

羅崇破慕容暉

海西公太和二年夏四月慕容暉將慕容廆寇竟陵太守羅崇擊

破之晉書海 西公紀

苻丕破襄陽

孝武帝太元三年春二月苻堅遣其尙書令苻丕率司馬慕容暉

苟萇等步騎七萬寇襄陽使楊安將樊鄧之眾爲前鋒屯騎校尉

石越率精騎一萬出魯陽關秦魯陽在今河南魯陽縣東南慕容垂與姚萇

出自南鄉苟池等與彊弩王顯將勁卒四萬從武當繼進大會漢

陽師次河北晉南中郎將朱序以丕軍無舟楫不以爲虞石越遂

浮馬以渡序大懼固守中城越攻陷外郭獲船百餘艘以濟軍丕

率諸將進攻中城遣苟池石越毛當以五萬眾屯於江陵晉車騎

將軍桓冲擁眾七萬為序聲援憚池等不進保據上明音書載記

左今誌序母韓氏聞秦軍將至自登城履行至西北隅以為不

固率百餘婢及城中女丁築斜城於內及秦兵至西北隅果潰眾

移守新城襄陽人謂之夫人城通鑑待至久圍襄陽秦王遣使持

節切讓丕等賜以劍曰來春不捷者汝可自裁不足復待面見吾

也丕於是促圖攻之晉書載記四年春二月城陷執朱序送長

安堅以中壘梁成為荊州刺史配兵一萬鎮襄陽晉書載記

桓石虔討閭震

太元六年冬十二月苻堅荊州刺史都貴遣其司馬閭震載記

兵參軍吳仲等率眾二萬寇竟陵留輜重於管城水陸輕進桓冲

遣南平太守桓石虔竟陵太守郭銓等水陸二萬拒之戰於激水

震等大敗退保管城石虔乘勝攻破之斬震及仲俘斬萬七千晉書

載記案激水在今鍾祥縣北志六十七武備五 兵事

桓冲復襄陽

太元七年秋九月苻堅將都貴焚燒河北田穀略襄陽百姓而去

晉書考武帝紀八年晉車騎將軍桓冲率眾十萬伐堅遂攻襄陽遣前將

軍劉波冠軍桓石虔等攻河北諸城虜揚郭銓攻武當冲別將攻

萬歲城案萬歲城在今穀城縣拔之堅大怒遣其子征南散及冠軍慕容垂

左衛毛當率步騎五萬救襄陽揚武張崇救武當載記叙遣垂及

號騎石越為前鋒次於沔水垂越夜命三軍人持十炬火繫炬於

樹枝光照十數里中冲懼退還上明同九年春正月車騎將軍

桓冲部將郭寶伐新城魏興上庸降之晉書孝夏四月竟陵太守

趙統伐襄陽克之上同桓玄襲江陵

安帝隆安二年荊州刺史殷仲堪南蠻校尉楊佺期等舉兵反晉書

安帝桓玄將討佺期先告仲堪云今當入沔討除佺期已頓兵江

口若見與無貳可殺楊廣若其不然可率兵入江仲堪乃執玄兄

偉遣從弟暹等水軍七千至江西口玄使郭銓案銓通苻玄擊之

暹等敗走玄頓巴陵而館其穀玄又被楊廣於夏口仲堪既失巴

陵之積又諸將皆敗江陵震駭城內大饑以胡麻為糜仲堪急召

佺期晉書載記佺期曰江陵無食何以待敵可來見就共守襄陽仲

堪自以保境全軍不欲棄城逃走乃給之曰比來收集已有儲矣

佺期信之率步騎八千精甲耀日既至仲堪惟以飯餉其軍佺期

大怒曰今茲敗矣不見仲堪與其兄廣共擊玄玄畏其銳退軍馬

頭明日佺期單馬奔襄陽玄追軍至佺期與兄廣俱死之晉書楊

仲堪奔鄧城為玄追兵所獲偕令自死於柞溪晉書通鑑案柞

溪水名出志六十七武備五 兵事

江陵北於是荆雍遂平晉書桓

劉毅平桓玄之亂

元興二年冬十二月桓玄篡位三年春二月建武將軍劉裕帥沛

國劉毅東海何無忌等舉義兵三月桓玄偪帝西上夏四月帝至

江陵晉書安桓石康納玄張幔屋於城南署置百官以卜範之為

尙書僕射大修舟師曾未三旬眾且二萬樓船器械甚盛晉書桓

玄遣游擊將軍何湛之武衛將軍庾祗祖江夏太守桓道恭就郭

銓以數千人守湓口玄率舟艦二百發江陵使苻宏羊僧壽為前

鋒又使散騎常侍徐放先行說劉裕等放對曰劉裕為唱端之主

劉毅兄為陛下所誅並不可說也輒當奉聖旨於何無忌遂受使

入無忌軍魏詠之破桓歆於歷陽諸葛長民又敗歆於芍陂歆單

騎渡淮殺率道規及孟懷玉與玄戰於崢嶸洲案崢嶸洲在今黃岡縣東

規麾眾先進殺等從之乘風縱火盡銳爭先玄軍大潰玄挾帝單
舸西走留永安皇后及皇后於巴陵殷仲文因奉二后奔於夏口
玄入江陵城欲出漢川而人情乖阻制令不行乃與腹心百餘人
夜出更相殺害僅得至船荆州別駕王康產奉帝入荆州府舍校
尉毛修之誘玄入蜀玄從之會毛璩弟寧州刺史璩卒官璩使兄
孫祐之及參軍費恬率數百人送其喪遇玄於枚回洲宋書書安
帝紀作龜州今荆州迎擊之督護馮遷抽刀而前玄拔頭上玉導與之
曰汝何人敢殺天子遷曰欲殺天子之賊耳遂斬之又斬桓石康
桓潛庾嶺之執桓昇送江陵市斬之桓玄傳玄死桓振桓謙復
聚眾拒劉毅於靈溪玄將馮該以兵會於振毅進擊為振所敗毅
軍次夏口時馮該戍大岸孟山圖據郢城桓山客守偃月壘宋書
月壘玄
漢口今眾合萬人連艦二岸水陸相援毅督眾軍進討未至夏口遇

志六十七

武備五 兵事

元

風飄沒千餘人毅與劉懷肅索邈等攻魯城道規攻偃月壘何無
忌與檀祗列艦於中流以防越逸毅躬貫甲胄陵城半日而二壘
俱潰生禽山客而馮該遁走毅率無忌道規等諸軍又破馮該於
豫章口推鋒而進遂入江陵振聞城陷與謙北走乘輿反正毅執
玄將卞範之羊僧壽等皆斬之毅傳義熙元年春三月桓振
復襲江陵荆州刺史司馬休之奔於襄陽建威將軍劉懷肅討振
斬之安帝劉毅又政拔遷陵宋遷陵在今湖南斬玄太守劉叔祖於
臨漳陽縣陽縣今湖南故城在今漢陽縣西南其餘假號以十數皆討
平之毅傳

盧循寇荆州

義熙六年秋七月盧循寇荆州刺史劉道規雍州刺史魯宗之等
敗之又破徐道覆於華容晉書安帝紀
華容在今石首縣

桓謙寇江陵

義熙六年秋八月姚興將桓謙寇江陵劉道規督軍破之晉書安
帝紀
謙縱陷巴東

義熙六年冬十一月蜀賊謙縱陷巴東守將溫祚時延祖死之晉
書

安帝紀
資治通鑑

王鎮惡襲劉毅

義熙八年劉毅為荆州刺史毅至江陵多變易守宰輒割豫州文
武江州兵力萬餘人以自隨會毅疾篤都僧施等恐毅死其黨危
乃勸毅請從弟兖州刺史藩以自副太尉裕偽許之藩自廣陵入
朝裕以詔書罪狀毅云藩及謝混共謀不軌收藩及混賜死資治
通鑑
劉裕自討毅命王弘王鎮惡劉思等率眾軍晉書劉裕至姑熟魏
書戒
之曰若賊可擊便燒其船艦且浮舸水側以待吾至今去但云劉

志六十七

武備五 兵事

三

兖州上謂毅弟藩時荆州尚
未知藩死故偽言之王鎮惡受命晝夜兼行至豫章口去
江陵城二十里捨舟步上未至五六里逢毅部下要將朱顯之問

是何人軍答曰劉兖州至顯之見江津船艦已被燒烟餘漲天而
鼓嚴之聲甚盛知非藩上便馳馬告毅令閉諸城門值鎮惡已馳
入未及下關與城內兵鬪兵散毅率左右突出夜投佛寺寺僧拒
之乃自縊而死宋書王
鎮惡傳

送之晉書劉毅傳
通鑑輯覽

劉裕討司馬休之

義熙十一年春三月荆州刺史司馬休之貳於劉裕裕率師討之
裕先至劉裕以休之為荆州刺史頗得江漢人心裕以其異
志討之休之與竟陵太守魯軌鎮北將軍劉宗之等亦起兵討裕
裕至江陵休之不能敵奔襄陽魏太宗遣長孫嵩屯河東將為之